



BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

Broj: Sp-04-04/2-11-6-3627-25/25
Sarajevo, 03.12.2025. godine

Na osnovu člana 11. tač. e) i f) Zakona o sudskoj policiji u Federaciji Bosne i Hercegovine („Službene novine Federacije BiH“, broj 77/20), čl. 69. stav (1) tačka a) i 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), člana 28. Pravilnika o nabavci roba, vršenju usluga i ustupanju radova Sudske policije u Federaciji Bosne i Hercegovine, broj Su-Sp-18/23 od 21.02.2023. godine, a u vezi sa Odlukom o nabavci usluga, broj Sp-04-04/2-11-6-3627/25 od 06.11.2025. godine i preporuke Komisije za javne nabavke imenovane Rješenjem broj: Sp-01-11-4-456/25 od 11.02.2025. godine, direktor Sudske policije u Federaciji Bosne i Hercegovine, donosi:

ODLUKU
o izboru najpovoljnijeg ponuđača

I

Postupak nabavke usluga servisiranja, popravke i održavanja motornih vozila za potrebe Sudske policije u Federaciji Bosne i Hercegovine, pokrenut Odlukom o nabavci usluga, broj Sp-04-04/2-11-6-3627/25 od 06.11.2025. godine i objavom Obavještenja o nabavci na portalu javnih nabavki Bosne i Hercegovine, broj 32599-1-2-124-3-65/25 od 07.11.2025. godine, okončat će se zaključenjem okvirnog sporazuma za LOT 1 - Nabavka usluga servisiranja, popravke i održavanja motornih vozila Sudske policije u Federaciji BiH u Sarajevu (Općina Stari Grad ili Općina Centar ili Općina Novo Sarajevo ili Općina Novi Grad ili Općina Ilidža ili Općina Vogošća) sa ponuđačem **"AUTODELTA" d.o.o. Sarajevo**.

II

Postupak iz tačke I ove odluke proveden je putem otvorenog postupka, a za izbor najpovoljnijeg ponuđača korišten je kriterij „najniža cijena“.

III

U postupku nabavke iz tačke I ove odluke zaprimljene su ukupno tri ponude ponuđača, od kojih je ponuda ponuđača:

- **"AUTODELTA" d.o.o. Sarajevo, prihvatljiva;**
- **„TRIAB“ d.o.o. Sarajevo, neprihvatljiva; i**
- **„AUTO SIMANIĆ“ d.o.o. Sarajevo, nepravilna i neprihvatljiva.**

IV

Okvirni sporazum za javnu nabavku usluga servisiranja, popravke i održavanja motornih vozila za potrebe Sudske policije u Federaciji Bosne i Hercegovine za LOT 1 - Nabavka usluga servisiranja, popravke i održavanja motornih vozila Sudske policije u Federaciji BiH u Sarajevu (Općina Stari Grad ili Općina Centar ili Općina Novo Sarajevo ili Općina Novi Grad ili Općina Ilidža ili Općina Vogošća) dodjeljuje se ponuđaču **"AUTODELTA" d.o.o. Sarajevo**, sa ukupnom cijenom ponude u iznosu od 85.179,96 (slovima: osamdeset pet hiljada stotinu sedamdeset devet i 96/100) KM bez uračunatog PDV-a.

V

Izabrani ponuđač **"AUTODELTA" d.o.o. Sarajevo** dužan je da u roku od 8 (osam) dana od dana prijema ove odluke dostavi dokaze navedene u tački 3.2. i 3.4. tenderske dokumentacije, a koje se odnose na član 45. stav (2) tačka od a) do d) i na član 47. stav (1) tačka a).

Dokazi koje će dostaviti izabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

VI

Po konačnosti ove Odluke, ugovorni organ će pozvati izabranog ponuđača radi zaključivanja okvirnog sporazuma u iznosu procijenjene, odnosno maksimalne vrijednosti nabavke za LOT 1 -

Nabavka usluga servisiranja, popravke i održavanja motornih vozila Sudske policije u Federaciji BiH u Sarajevu (Općina Stari Grad ili Općina Centar ili Općina Novo Sarajevo ili Općina Novi Grad ili Općina Ilidža ili Općina Vogošća) – 86.000,00 (osamdeset šest hiljada i 00/100) KM bez uračunatog PDV-a.

VII

Ova odluka objavit će se na web-stranici (www.sudpol-fbih.pravosudje.ba) Sudske policije Federacije Bosne i Hercegovine, te će se u skladu sa članom 70. stav (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) istovremeno dostaviti svim ponuđačima koji su učestvovali u predmetnom postupku javne nabavke.

VIII

Ova Odluka stupa na snagu danom donošenja.

O b r a z l o ž e n j e

Sudska policija u Federaciji Bosne i Hercegovine (u daljem tekstu: ugovorni organ), pokrenula je postupak javne nabavke usluga servisiranja, popravke i održavanja motornih vozila za potrebe Sudske policije u Federaciji Bosne i Hercegovine putem otvorenog postupka, donošenjem Odluke direktora Sudske policije u Federaciji BiH, broj: Sp-04-04/2-11-6-3627/25 od 06.11.2025. godine, Obavještenje o nabavci broj: 32599-1-2-124-3-65/25 od 07.11.2025. godine, s namjerom zaključivanja okvirnog sporazuma na period od dvije godine.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik sa otvaranja ponuda broj: Sp-01-11-6-3627-14/25 od 18.11.2025. godine. Prema Zapisniku sa otvaranja ponuda za aktivno učešće u postupku dostavljene su ponude ponuđača za LOT 1: "AUTODELTA" d.o.o. Sarajevo, „TRIAB“ d.o.o. Sarajevo i "AUTO SIMANIĆ" d.o.o. Sarajevo.

Komisija za javnu nabavku za potrebe Sudske policije u Federaciji BiH izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: Sp-01-11-6-3627-23/25 od 27.11.2025. godine, kojim je utvrdila:

- da ponuda ponuđača „**TRIAB**“ d.o.o. Sarajevo ne ispunjava uslove tražene tenderskom dokumentacijom, iz razloga što ukupna cijena ponude ponuđača „**TRIAB**“ d.o.o. Sarajevo u iznosu od 112.983,00 (slovima: stotinu dvanaest hiljada devet stotina osamdeset tri i 00/100) KM je veća od procijenjene, odnosno maksimalne vrijednost nabavke predmetnih usluga navedenih u tački 1.5 stav (2) TD za LOT 1 - Nabavka usluga servisiranja, popravke i održavanja motornih vozila Sudske policije u Federaciji BiH u Sarajevu (Općina Stari Grad ili Općina Centar ili Općina Novo Sarajevo ili Općina Novi Grad ili Općina Ilidža ili Općina Vogošća), koja iznosi 86.000,00 (slovima: osamdeset šest hiljada i 00/100) KM, te je u skladu sa članom 2. stav (1) tačke 1) podbroj 2) **neprihvatljiva**, te se ista u skladu sa članom 68. stav (4) tačka j) Zakona o javnim nabavkama BiH odbacuje.

- da ponuda ponuđača „**AUTO SIMANIĆ**“ d.o.o. Sarajevo je nepotpuna i ne ispunjava uslove tražene tenderskom dokumentacijom, iz razloga što ponuda ponuđača je ukoričena u knjigu koja nije čvrsto uvezana, te je omogućeno naknadno vađenje ili umetanje listova, odnosno pregledom ponude utvrđeno je da su se od iste fizički odvojile zadnje četiri stranice ponude na osnovu čega Komisija konstatuje da ista nije čvrsto uvezana za ostatak ponude, a što nije u skladu sa naprijed tačkom 4.2. stav (3) TD, gdje stoji: „*Ponuda se čvrsto uvezuje (ukoričena u knjigu ili uvezana jamstvenikom) na način da se onemogući naknadno vađenje ili umetanje listova.*“ Također, ponuđač je na strani 27. ponude dostavio ovjerenu potvrdu firme „OSMO“ d.o.o. Sarajevo od 24.11.2025. godine, kojom dokazuje da je firma „OSMO“ d.o.o. Sarajevo za potrebe ponuđača „AUTO SIMANIĆ“ d.o.o. Sarajevo u zahtijevanom periodu i određenoj vrijednosti uredno realizovala usluge koje su predmet nabavke, također na strani 31. ponude ponuđač je dostavio ovjerenu potvrdu firme „STIM“ d.o.o. Sarajevo od 24.11.2025. godine kojom dokazuje da je firma „STIM“ d.o.o. Sarajevo za potrebe ponuđača „AUTO SIMANIĆ“ d.o.o. Sarajevo u zahtijevanom periodu i određenoj vrijednosti uredno realizovala usluge koje su predmet nabavke. Iz naprijed navedenih potvrda je vidljivo da su navedene firme za potrebe ponuđača „AUTO SIMANIĆ“ d.o.o. Sarajevo uspješno realizovale ugovore iz oblasti predmeta nabavke, odnosno ugovore čiji je karakter i kompleksnost isti predmetnoj nabavci u određenoj vrijednosti, te iz sadržaja istih se vidi da su firme „OSMO“ d.o.o. Sarajevo i „STIM“ d.o.o. Sarajevo vršili usluge popravke i održavanja za ponuđača „AUTO SIMANIĆ“ d.o.o. Sarajevo, a ne isti za njih, a kako je zahtijevano tačkom 3.5. TD i propisano članom 50. stav (1) tačka a) Zakona o javnim nabavkama. Na strani 30. svoje ponude ponuđač je dostavio potvrdu o uspješnoj saradnji broj: 01-2378/25 od 26.11.2025. godine, koja je izdata od strane HERCEGOVINALIJEK d.o.o. Mostar, međutim iznos zaključenih ugovora nije u skladu sa tačkom 3.5. Tehnička i profesionalna sposobnost ponuđača (član 50. Zakona), odnosno ugovorena vrijednost (zbirno) je manja od procijenjene vrijednosti nabavke za LOT 1. Ponuđač je na strani 32. svoje ponude vršio ispravku, na način da je ista vidljiva, ali nije potvrđena datumom vršenja ispravke i potpisom ponuđača a što nije u skladu sa tačkom 4.2 stav (9) TD i članom 18. stav (1) tačka m) Uputstva za pripremu modela tenderske dokumentacije i

ponuda ("Službeni glasnik BiH", broj 39/14 i 20/15). Dakle, ponuda nije dostavljena u skladu sa zahtjevima iz TD, te se ista smatra neprihvatljivom, pa se u skladu sa članom 68. stav (4) tačka i) Zakona o javnim nabavkama odbacuje.

- da ponuda ponuđača **"AUTODELTA" d.o.o. Sarajevo** sadži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

Rang lista prihvatljivih ponuda prema kriteriju za dodjelu ugovora „najniža cijena“ na osnovu konačne rang liste ponuđača čije ponude su prihvatljive:

Ponuđač	Ukupna cijena ponude bez PDV-a, iskazana u obrascu za cijenu ponude (u KM)	Popust na cijenu ponude	Ukupna cijena ponude, sa popustom bez PDV-a, (u KM)	RANG LISTA PONUDA
1	2	3	4=2-3	5
"AUTODELTA" d.o.o. Sarajevo	96.792,00	11.615,04	85.176,96	1

U skladu sa članom 11. Pravilnika o uslovima i načinu korištenja e-Aukcije („Službeni glasnik BiH“, broj 80/23) u ovom postupku javne nabavke nije predviđeno provođenje e-Aukcije.

Shodno rezultatima pregleda i ocjene ponuda i rang listi prihvatljivih ponuda, Komisija je ocijenila prihvatljivom ponudu ponuđača **"AUTODELTA" d.o.o. Sarajevo** sa konačnom ukupnom cijenom ponude od 85.179,96 (slovima: osamdeset pet hiljada stotinu sedamdeset devet i 96/100) KM bez uračunatog PDV-a.

Izabrani ponuđač u svojoj ponudi nije dostavio kvalifikacione dokumente kojima se dokazuje lična sposobnost izabranog ponuđača, a koji se dostavljaju na osnovu izjave iz člana 45. stav (1) tačka a) do d) Zakona, kao ni kvalifikacione dokumente kojima se dokazuje ekonomsko-finansijska sposobnost, a koji se dostavljaju u skladu sa članom 47. stav (1) tačka a) Zakon.

Po konačnosti ove Odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku, shodno zahtjevima - uslovima ugovornog organa navedenim u Tenderskoj dokumentaciji, broj: Sp-01-11-6-3627-7/25 od 06.11.2025. godine i propisima koji regulišu isto.

Obzirom da ugovorni organ, zbog prirode nabavke nije u mogućnosti definisati tačne količine predmeta nabavke, u skladu sa članom 4. stav (5) Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) ugovorni organ je definisao procijenjenu vrijednost, odnosno maksimalni iznos finansijskih sredstava predviđen za nabavku predmetnih usluga za vrijeme trajanja okvirnog sporazuma u TD broj: Sp-01-11-6-3627-7/25 od 06.11.2025. godine, te će se okvirni sporazum za LOT 1 - Nabavka usluga servisiranja, popravke i održavanja motornih vozila Sudske policije u Federaciji BiH u Sarajevu (Općina Stari Grad ili Općina Centar ili Općina Novo Sarajevo ili Općina Novi Grad ili Općina Ilidža ili Općina Vogošća) zaključiti u iznosu od 86.000,00 (osamdeset šest hiljada i 00/100) KM bez uračunatog PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija za javne nabavke u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Zapisnikom o pregledu i ocjeni ponuda broj: Sp-01-11-6-3627-23/25 od 27.11.2025. godine riješeno je kao u dispozitivu.

Pouka o pravnom lijeku:

U skladu sa odredbom člana 99. i 101. stav (1) tačka d) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), protiv ove Odluke može se izjaviti žalba ugovornom organu, u roku od 10 (deset) dana od dana prijema ove Odluke.

Dostaviti:

- "AUTODELTA" d.o.o. Sarajevo, putem e-pošte: info@autodelta.ba;
- "AUTO SIMANIĆ" d.o.o. Sarajevo, putem e-pošte: info@auto-simanic.ba;
- „TRIAB“ d.o.o. Sarajevo, putem e-pošte: info@triab.ba;
- Sektor za pravne, računovodstvene i opće poslove (za web stranicu);
- a/a.



DIREKTOR

Glavni generalni inspektor sudske policije

Dženad Grošo, mr. iur.